

PANEL HEDDLU A THROSEDDU DYFED POWYS

DYDD GWENER, 18 GORFFENNAF 2025

YN BRESENNOL: Yr Athro Ian Roffe (Aelod Annibynnol) (Cadeirydd)

Aelodau o Gyngor Sir Caerfyrddin:

Cyng. K. Davies, K. Howell ac M. Thomas

Aelodau o Gyngor Sir Ceredigion:

Cyng. E. Evans, K. Evans ac W. Thomas

Aelodau o Gyngor Sir Penfro:

Cyng. S. Hancock ac S. Wright

Aelodau o Gyngor Sir Powys:

Cyng. L. George, W. Powell ac L. Rijnbergen

Aelod Annibynnol:

Mrs H.M. Thomas

Yn Bresennol o Swyddfa'r Comisiynydd Heddlu a Throsedd:

Mr D. Llywelyn – Y Comisiynydd Heddlu a Throsedd

Mrs C. Morgans – Y Prif Weithredwr

Mrs N. Davies – Prif Swyddog Cyllid

Hefyd yn Bresennol:

R. Edgecombe – Rheolwr Gwasanaethau Cyfreithiol

D. Hall-Jones – Swyddog Cynorthwyol Gwasanaethau Democrataidd

Siambr - Neuadd y Sir, Aberaeron - 10.30 YB - 12.25 YP

1. YMDDIHEURIADAU AM ABSENOLDEB A MATERION PERSONOL

Derbyniwyd ymddiheuriadau am absenoldeb gan y Cynghorydd Jonathan Grimes (Cyngor Sir Penfro).

2. DATGANIADAU O FUDDIANT

Yr Aelod	Rhif yr Eitem ar yr Agenda	Buddiant
Cyng. S. Hancock	Yr Holl Eitemau.	Mae aelod o'r teulu yn gwasanaethu gyda Heddlu Dyfed-Powys ar hyn o bryd.
Cyng. S. Wright	Yr Holl Eitemau	Mae aelod o'r teulu yn gwasanaethu gyda Heddlu Dyfed-Powys ar hyn o bryd. Mae'r aelod yn swyddog heddlu wedi ymddeol ac yn

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

		aelod presennol o Gymdeithas Genedlaethol Swyddogion Heddlu wedi Ymddeol.
Mrs H. Thomas	Yr Holl Eitemau.	Mae aelod o'r teulu yn hyfforddi i fod yn Swyddog Heddlu gyda Heddlu Dyfed-Powys ar hyn o bryd. Mae aelod arall o'r teulu yn rhan o'r Panel dethol sy'n gyfrifol am benodi'r Prif Gwnstabl newydd.

3. LLOFNODI YN GOFNOD CYWIR GOFNODION Y CYFARFOD A GYNHALIWDYD AR YR 29AIN EBRILL 2025

PENDERFYNWYD llofnodi cofnodion cyfarfod Panel Heddlu a Throseddu Dyfed-Powys oedd wedi ei gynnal ar 29 Ebrill, 2025 gan eu bod yn gywir.

4. MATERION YN CODI O'R COFNODION (OS OES RHAI)

Cofnod Eitem 6

Mewn perthynas â nodyn y Comisiynydd ynglŷn â chylchredeg crynodeb o'r data perfformiad sy'n deillio o'r cynnydd mewn cyllid ar gyfer camddefnyddio sylweddau, nododd yr aelodau nad oeddent wedi derbyn y wybodaeth hyd yma. Dywedodd y Comisiynydd y byddai adroddiad yn cynnwys y wybodaeth yn cael ei gyflwyno i'r Panel yn ystod yr Hydref.

5. CWESTIYNAU Â RHYBUDD GAN AELODAU'R PANEL I'R COMISIYNYDD

5.1. CWESTIWN GAN YR ATHRO IAN ROFFE

5.1 - Cwestiwn gan yr Athro Ian Roffe

Tynnodd stori Newyddion BBC ar 31 Mai 2025 sylw at gynnydd sydyn mewn achosion o fwrghleriaeth ddomestig yn ardal Dyfed Powys, ar gyfer y flwyddyn a ddaeth i ben ym mis Rhagfyr 2024. Yn eich rôl fel y Comisiynydd Heddlu a Throseddu, pa gamau gweithredu ydych chi'n eu cymryd i roi sicrwydd i'r cyhoedd a sicrhau bod y Prif Gwnstabl wedi rhoi mesurau priodol ar waith i fynd i'r afael â throseddau o'r fath?

Ymateb y Comisiynydd Heddlu a Throseddu

- Mae'r ystadegau yn yr erthygl yn cynrychioli cipolwg penodol sy'n gymhariaeth o un flwyddyn i'r llall sef 2024 i 2025.
- Dros gyfnod mwy estynedig, mae troseddau bwrghleriaeth ddomestig wedi gostwng yn ardal Heddlu Dyfed-Powys, yn seiliedig ar y llinell sylfaen genedlaethol o 2018/19 a ddefnyddiwyd ar gyfer mesur.
- Mae'r erthygl yn canolbwyntio ar ddata gan Heddlu Dyfed-Powys yn unig, heb ddarparu cymariaethau â lluoedd eraill yng Nghymru a Lloegr.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

- Mewn ymateb i ddiddordeb yn y cyfryngau, cynhaliodd y Comisiynydd gyfweiliad radio i ddarparu cyd-destun a rhoi tawelwch meddwl i'r cyhoedd ynglŷn â'r ystadegau.
- O'i gymharu â lluoedd eraill, roedd gan Heddlu Dyfed-Powys y trydydd nifer isaf o fwrghleriaethau annedd ymhlith y 43 o heddluoedd yng Nghymru a Lloegr, gyda dim ond Dinas Llundain a Cumbria yn cofnodi ffigurau is.
- Er gwaethaf y cynnydd mewn un flwyddyn benodol, mae astudiaeth hydredol a gynhaliwyd yn ailbwysleisio gostyngiad amlwg mewn troseddau bwrghleriaeth.
- Mae dau fesur wedi'u gosod i fynd i'r afael â'r materion hyn, gan gynnwys bod y llu yn atebol am ei berfformiad. Cafodd y mater ei godi mewn cyfarfod diweddar o'r Bwrdd Perfformiad Strategol gyda Phrif Swyddogion ynghylch y mesurau sy'n cael eu cymryd o fewn y llu i sicrhau ymwybyddiaeth ac ymateb i'r tueddiadau hyn sy'n dod i'r amlwg.
- Mae'r llu yn ymwybodol o duedd, gan fod cynnydd nodedig mewn 'Troseddau Meddiangar', gan gynnwys lladrata, bwrghleriaeth, a dwyn o siopau, dros y 12 i 18 mis diwethaf.
- Fel rhan o ymwybyddiaeth y Llu ar y materion, mae gwaith yn cael ei wneud gyda chymunedau, trwy'r Timau Plismona Bro a'r Timau Atal, yn darparu cyngor ac arweiniad ar sut i atal y mathau hyn o droseddau a chael mwy o oruchwyliaeth dros weithgareddau.
- Un elfen amlwg o fewn y data yw'r cynnydd sylweddol o 34% mewn troseddau bwrghleriaeth anheddau yn ystod misoedd y Gaeaf o'i gymharu â'r Haf, tynnwyd sylw at hyn fel rhan o'r duedd y mae'r Llu yn ymwybodol ohoni.
- Yn ogystal â sicrhau bod y Llu yn atebol am ei berfformiad ac yn ymgymryd â gweithgarwch yn y cyfryngau, bydd monitro parhaus o'r materion hyn yn cael ei gynnal trwy'r Tîm Polisi.
- Disgwylir set ddata nesaf y Swyddfa Ystadegau Gwladol yn fuan, a fydd yn cael ei adolygu i benderfynu a yw'r cynnydd diweddar yn rhan o duedd barhaus neu a oedd ffigurau'r flwyddyn flaenorol yn eithriad.

5.2. CWESTIWN GAN Y CYNGHORYDD LES GEORGE

5.2 - Cwestiwn gan y Cynghorydd Les George

Ym mis Mawrth eleni, cyhoeddodd y Swyddfa Gartref y byddai'n sicrhau bod cyllid ychwanegol ar gael yn y frwydr yn erbyn troseddau Gwledig a Bywyd Gwyllt. A fydd gan Heddlu Dyfed-Powys hawl i unrhyw ran o'r cyllid hwn ac, os na, sut y bydd o fudd i'r frwydr yn erbyn troseddau gwledig yn ardal y llu.

Ymateb y Comisiynydd Heddlu a Throseddu

- Nid yw'r Swyddfa Gartref wedi dyrannu arian/grantiau penodol ar gyfer troseddau gwledig a bywyd gwyllt. Fodd bynnag, efallai y bu cyhoeddiadau cyffredinol neu gefnogaeth i'r Rhwydwaith Troseddau Gwledig a mentrau eraill sydd wedi'u cynnal.
- Mae gan yr heddlu Dîm Troseddau Gwledig sefydledig, sy'n parhau i fod yn weithgar ac yn ymwneud â phrosiectau a mentrau amrywiol sy'n mynd

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

i'r afael ag ystod o droseddau a gweithgareddau, gan gynnwys dwyn da byw, achosion o boeni da byw, a chyfleusterau lladd anghyfreithlon.

- Mae'r Comisiynydd yn ymwneud â'r Rhwydwaith Troseddau Gwledig Cenedlaethol, ac mae ganddo gynrychiolwyr o Swyddfa'r Comisiynydd Heddlu a Throseddu mewn gweithgareddau gan gynnwys bod yn bresennol yn lansiad Strategaeth newydd Troseddau Bywyd Gwyllt a Chefn Gwlad Cymru 2025 - 2028, ac mae Swyddfa'r Comisiynydd Heddlu a Throseddu a Thîm Troseddau Gwledig y llw yn rhanddeiliaid allweddol o hyn.
- Mae Swyddfa'r Comisiynydd yn cydweithio'n barhaus ac yn cynnal cyfarfodydd rheolaidd gyda'r undebau ffermio - Undeb Cenedlaethol yr Amaethwyr (NFU) ac Undeb Amaethwyr Cymru (FUW) i ymateb i'w galwadau am gefnogaeth.

Gofynnwyd cwestiwn dilynol uniongyrchol gan yr aelod yn seiliedig ar yr ymateb a ddarparwyd. Esboniodd Prif Swyddog Cyllid Swyddfa'r Comisiynydd er bod y Swyddfa Gartref wedi addo cefnogaeth, roedd y cyllid wedi'i gyfeirio at y Rhwydwaith Troseddau Gwledig a Bywyd Gwyllt, yn hytrach na lluoedd unigol. Mae'r llw yn parhau i fod yn rhan o drafodaethau parhaus yng nghyfarfodydd y rhwydwaith trwy arweiniad y llw, oherwydd gallai cyllid i luoedd unigol fynd drwy'r rhwydwaith yn y dyfodol o bosib.

Nododd y Comisiynydd y gallai cymryd rhan mewn trafodaethau parhaus drwy'r Rhwydwaith Troseddau Gwledig a Bywyd Gwyllt fod o fudd i Heddlu Dyfed-Powys drwy ddarparu cyfleoedd i gael mynediad a defnyddio cyllid sydd ar gael, yn enwedig gan fod y Setliad Plismona sydd ar ddod yn debygol o fod yn anffafriol. Dywedodd y Comisiynydd hefyd, pan fo cyfleoedd i gael cyllid ychwanegol ar gyfer gweithgareddau, manteisiwyd ar y rhain, ac y byddai'n ymdrechu i wneud yr un peth ar gyfer y maes troseddau gwledig a bywyd gwyllt.

Gofynnwyd cyfres o gwestiynau dilynol gan y Panel yn ymwneud ag ymateb y Comisiynydd i eitem 5.2, ac ymatebodd y Comisiynydd iddynt yn unol â hynny.

6. ADRODDIAD BLYNYDDOL Y COMISIYNYDD HEDDLU A THROSEDDU

[SYLWER: Gan fod y Cynghorwyr S. Hancock, S. Wright a Mrs H. Thomas wedi datgan buddiant yn yr eitem hon yn gynharach, arhosont yn y cyfarfod wrth i'r Pwyllgor ystyried yr eitem a phleidleisio].

Cafodd y Panel Adroddiad Blynnyddol y Comisiynydd Heddlu a Throseddu ar gyfer 2024-2025 i'w ystyried.

Wrth gyflwyno'r adroddiad, nododd y Comisiynydd ei fod ar ffurf drafft ar hyn o bryd a bod arddull yr adroddiad wedi'i adolygu i ddarparu mwy o eglurder ar agweddau fel gweithgareddau strategol, prosiectau allweddol, a chynlluniau peilot sydd wedi'u hariannu ar draws gwahanol ardaloedd.

Codwyd y materion canlynol mewn perthynas â'r adroddiad:

- Gofynnwyd cwestiwn ynghylch a oedd adroddiad ar gael yn cynnwys canfyddiadau'r 'Dadansoddiad Economi Nos' a gynhaliwyd fel rhan o'r

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

'Dyletswydd Trais Difrifol'. Er nad oedd yn sicr a oedd hyn wedi cael ei gyhoeddi'n gyhoeddus, dywedodd y Comisiynydd y byddai'n adolygu hyn, gan groesawu'r cyfle i gylchredeg canfyddiadau'r dadansoddiad gyda'r Panel.

- Mewn perthynas â phresenoldeb y Comisiynydd yng nghynhadledd Atal Caethwasiaeth Cymru, gofynnwyd cwestiwn ynghylch faint o broblem yw caethwasiaeth fodern a masnachu pobl yn ardal y llu. Dywedodd y Comisiynydd fod y rhain yn cael eu hystyried yn droseddau cudd, isel o ran nifer ond sy'n gallu achosi llawer o niwed. Nododd y Comisiynydd fod y llu wedi cofrestru ar gyfer amrywiaeth o fentrau i sicrhau arolygaeth o'r troseddau hyn, a bod gan y Llu strategaethau ar waith a'i fod gweithio'n agos gyda phartneriaid i reoli'r materion hyn, gan nodi'r arestiadau diweddar a wnaed fel rhan o Ymgyrch Scotney fel enghraifft lwyddiannus o hyn ar waith.

Gofynnodd y Cadeirydd, ar ran y Panel, i'r Comisiynydd gyfleu sylwadau cadarnhaol y Panel i awduron yr adroddiad ynghylch ei gynnwys a'i gyflwyniad.

PENDERFYNWYD bod yr adroddiad yn cael ei dderbyn.

7. ADRODDIAD CYNNYDD AR GYNLLUN YR HEDDLU A THROSEDDU BLAENORIAETH 1

[SYLWER: Gan fod y Cynghorydd S. Hancock, S. Wright a Mrs H. Thomas wedi datgan buddiant yn yr eitem hon yn gynharach, arhosont yn y cyfarfod wrth i'r Pwyllgor ystyried yr eitem a phleidleisio].

Yn dilyn cais y Panel i'r Comisiynydd am adroddiadau yn amlinellu'r cynnydd a wnaed wrth gyflawni'r blaenoriaethau a nodir yn y Cynllun Heddlu a Throseddau, cafodd yr aelodau adroddiad cynnydd yn ymwneud â Blaenoriaeth 1 i'w adolygu.

Ar ôl adolygu cynnydd Blaenoriaeth 1, nodwyd ystod o feysydd ffocws ar gyfer craffu ar berfformiad y llu. Er gwaethaf ymgymryd ag ystod o newidiadau strategol a gweithredol dros y 12 i 18 mis diwethaf, roedd y Comisiynydd wedi cael sicrwydd fod perfformiad cyffredinol y llu yn gwella, a bod gan arweinyddiaeth y llu oruchwyliaeth o'r gwahaniaethau posibl o ran perfformiad a sut y gellir mynd i'r afael â rheini.

Codwyd y cwestiynau neu bryderon canlynol gan y Panel:

- Roedd y Comisiynydd yn cydnabod bod y ffigur o dros 40% o ddioddefwyr yn gwrthod cefnogaeth neu'n tynnu yn ôl bob mis am gam-drin domestig, stelcian, aflonyddu a throseddau rhywiol yn ormodol. Mae amrywiaeth o resymau pam mae dioddefwyr yn tynnu'n ôl. Fodd bynnag, mae ymdrechion ar y gweill i leihau'r ffigur hwn trwy fentrau, gan gynnwys yr Uned Ymateb Fideo i Gam-drin Domestig.
- Mewn ymateb i gwestiwn ar lai o bresenoldeb Swyddogion Cymorth Cymunedol yr Heddlu mewn cyfarfodydd cymunedol, dywedodd y Comisiynydd fod hwn yn debygol o fod yn gysylltiedig â'r angen iddynt fod yn weithgar mewn meysydd eraill o ystyried y gostyngiad yn nifer gyffredinol y Swyddogion Cymorth Cymunedol yr Heddlu a strategaeth

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

newydd y Llu, sy'n golygu bod mwy o Swyddogion yn ymgymryd â gwaith plismona gweledol a datrys problemau o fewn cymunedau.

- Gofynnwyd cwestiwn am 'Ymgysylltu â dioddefwyr, cwynion a hawliau dioddefwyr' ynghylch i ba raddau y mae Heddlu Dyfed-Powys wedi canolbwyntio ar Gyfiawnder Adferol, o ystyried ei berthynas â phrofiad dioddefwyr. Dywedodd y Comisiynydd fod hwn yn faes sydd angen archwilio a buddsoddi ynddo ymhellach, ac ni fu'n flaenoriaeth allweddol o fewn y Llu dros y blynyddoedd diwethaf.
- Mewn ymateb i ymholiad ar gynnydd y Llu tuag at gyrraedd y targed o 95% o ran 'Nifer y troseddau, canlyniadau a chywirdeb data' ac a yw Dyfed-Powys yn cofnodi pob trosedd, dywedodd y Comisiynydd wrth y Panel fod y Llu yn gwneud cynnydd tuag at y targed o 95%. Ar hyn o bryd mae'r Llu yn arolygu nifer sylweddol o droseddau bob mis, sy'n agosáu at drothwy'r targed. Fodd bynnag, nid oedd y Comisiynydd yn gallu darparu sicrwydd llwyr fod pob trosedd yn cael ei chofnodi.
- Gofynnwyd cwestiwn ynglŷn ag amrywiad yn y ffigur o 40% ar gyfer cam-drin domestig, stelcian, aflonyddu, a throseddau rhywiol, ac a oedd beio dioddefwyr yn amlwg o fewn y rheini. Cadarnhaodd y Comisiynydd yr amrywiad a phresenoldeb beio dioddefwyr. O ganlyniad i Ymgyrch Soteria, roedd swyddogion bellach yn derbyn hyfforddiant i nodi beio dioddefwyr trwy gydol ymchwiliadau a phrosesau ymateb dioddefwyr. Roedd Ymgyrch Soteria wedi arwain at y Llu yn datblygu Proffil Problem Troseddau Rhywiol, y gellid ei rannu â'r Panel (yn amodol ar gymeradwyaeth y Llu) i dynnu sylw at raddfa'r materion hyn ac ymdrechion i gyflawni canlyniadau cadarnhaol mewn achosion o droseddau rhywiol difrifol.
- Nododd y Comisiynydd, mewn ymateb i ymholiad ar sefyllfa bresennol y Llu ar recriwtio a throsiant staff, fod recriwtio yn gyson trwy gydol y flwyddyn oherwydd nifer y staff sydd angen eu recriwtio. Mae trosiant staff yn parhau i fod yn her, gyda'r ffactor swyddi gwag yn y gyllideb referniw wedi cynyddu eleni i ddarparu ar gyfer hyn. Mae camau wedi'u cymryd i liniaru problemau cadw staff, gan gynnwys ceisiadau gweithio hyblyg, ond mae'r broblem yn parhau.

PENDERFYNWYD bod yr adroddiad yn cael ei dderbyn.

8. PENDERFYNIADAU A WNAED GAN Y COMISIYNYDD HEDDLU A THROSEDDU

[SYLWER: Gan fod y Cynghorydd S. Hancock, S. Wright a Mrs H. Thomas, wedi datgan buddiant yn yr eitem hon yn gynharach, arhosont yn y cyfarfod wrth i'r Pwyllgor ystyried yr eitem a phleidleisio].

Bu'r Panel yn ystyried adroddiad ynghylch y penderfyniadau a wnaed gan y Comisiynydd rhwng 1 Ebrill a 30 Mehefin 2025.

Mae Adran 28(6) o Ddeddf Diwygio'r Heddlu a Chyfrifoldeb Cymdeithasol 2011 yn ei gwneud yn ofynnol bod yr holl benderfyniadau a wnaed a'r camau a gymerwyd gan y Comisiynydd yn cael eu hadolygu mewn aliniad â chyflawni ei swyddogaethau, a bod adroddiadau ac argymhellion yn ymwneud â'r

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

penderfyniadau a'r camau gweithredu hynny yn cael eu llunio fel sy'n cael ei ystyried yn briodol gan y Panel i'r Comisiynydd.

Tynnodd y Comisiynydd sylw arbennig at y penderfyniad yn ymwneud â'r 'Pwyllgor Dethol', gyda'r gweithgaredd cyntaf ar hyn yn digwydd ar 16 Gorffennaf, 2025, a oedd yn cynnwys cynrychiolaeth o'r Panel Heddlu a Throseddau. Ymhlith y penderfyniadau sy'n effeithio ar drefniadau Llywodraethu a Chraffu y Comisiynydd, cydnabuwyd bod cwblhau'r gweithgaredd cyntaf wedi tynnu sylw at feysydd ar gyfer dysgu.

Roedd y Comisiynydd hefyd yn dymuno nodi'n ffurfiol, o ystyried yr agosrwydd daearyddol personol at fuddiolwyr y penderfyniad 'Cyllid Calon Tysul', nad oedd ganddo unrhyw ran yn y penderfyniad hwn.

PENDERFYNWYD bod yr adroddiad yn cael ei dderbyn.

9. PROTOCOL PLISMONA - ADRODDIAD PERFFORMIAD

[SYLWER: Gan fod y Cyngorydd S. Hancock, S. Wright a Mrs H. Thomas wedi datgan buddiant yn yr eitem hon yn gynharach, arhosont yn y cyfarfod wrth i'r Pwyllgor ystyried yr eitem a phleidleisio].

Cafodd y Panel adroddiad perfformiad i'w adolygu mewn perthynas â'r Gorchymyn Protocol Plismona ar gyfer Chwarter 1 blwyddyn ariannol 2025-26.

Dywedwyd bod perfformiad y camau gweithredu dros y chwarter diwethaf wedi arwain at fwy o Oren na Gwyrdd, a briodolwyd yn bennaf i'r angen i benodi Prif Gwnstabl newydd a'r elfennau dilynol sy'n gysylltiedig â'r broses honno. Darparwyd i'r Panel grynodedb o'r amserlen a'r camau gweithredu/penderfyniadau cyfredol a gymerwyd mewn perthynas â'r broses.

Codwyd y cwestiynau neu bryderon canlynol gan y Panel:

- Gofynnwyd cwestiwn am y cam gweithredu 'Archwilio a manteisio i'r eithaf ar gyfleoedd cyllido allanol', yn benodol y Gronfa Gweithredu Ardaloedd Problemus (*Hotspot Action Fund*) gwerth £1m a'r cyfle i wneud cais am Gronfeydd Hywel Dda. O ran y Gronfa Gweithredu Ardaloedd Problemus, nododd y Comisiynydd bod y Gronfa wedi'i dyrannu ond bod yn rhaid tynnu'r arian i lawr o'r Swyddfa Gartref yn ôl telerau ac amodau'r grant. I'r gwrthwyneb, o ran Cronfeydd Hywel Dda, gan nad oedd gwybodaeth fanwl wrth law ynglŷn â hyn, nodwyd y gellid edrych ar hyn ar gyfer y Panel.
- Mewn ymateb i ymholiad am safleoedd cydweithio gydag Awdurdod Tân ac Achub Canolbarth a Gorllewin Cymru, wrth ystyried y pryderon ynghylch cau gorsafoedd heddlu, nododd y Comisiynydd fod y cyfleoedd hyn i gydweithio mewn gorsafoedd heddlu penodol wedi'u hamlinellu yn ystod cyfarfodydd blaenorol. Mae cydweithio yn parhau, gyda rhai safleoedd yn cael eu cyd-ddefnyddio ar hyn o bryd ac eraill yn aros i gael eu gwerthu. Roedd y Comisiynydd am ailadrodd nad yw'r trefniadau yn gysylltiedig â thynnu gwasanaethau yn ôl, ond yn hytrach yn fodd o

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

ddiogelu presenoldeb gwasanaethau brys mewn cymunedau a sicrhau defnydd mwy darbodus o gyllid tuag at fuddsoddiad cyfalaf yn y dyfodol.

PENDERFYNWYD nodi'r adroddiad.

10. CYNLLUN BUSNES SWYDDFA'R COMISIYNYDD HEDDLU A THROSEDDU - ADRODDIAD CYNNYDD

[SYLWER: Gan fod y Cynghorydd S. Hancock, S. Wright a Mrs H. Thomas wedi datgan buddiant yn yr eitem hon yn gynharach, arhosont yn y cyfarfod wrth i'r Pwyllgor ystyried yr eitem a phleidleisio].

Cafodd y Panel yr adroddiad cynnydd ar Gynllun Busnes Swyddfa'r Comisiynydd Heddlu a Throseddau ar gyfer Chwarter 1 blwyddyn ariannol 2025-26. Roedd yr adroddiad yn amlinellu'r cynnydd a wnaed o ran cyflawni gofynion y cynllun busnes yn unol â'r blaenoriaethau yng Nghynllun y Comisiynydd Heddlu a Throseddau

Wrth ystyried y cynnydd a wnaed hyd yma o ran cyflawni yn erbyn y cynllun busnes newydd, nodwyd bod llawer o feysydd yn parhau yn y cyfnod cychwynnol, er bod rhai datblygiadau sylweddol wedi'u gwireddu, gan gynnwys y dull Pwyllgor Dethol.

PENDERFYNWYD nodi'r adroddiad.

11. ADOLYGIAD O GYNLLUN BUSNES OPCC AR GYFER 2025-2026

[SYLWER: Gan fod y Cynghorydd S. Hancock, S. Wright a Mrs H. Thomas wedi datgan buddiant yn yr eitem hon yn gynharach, arhosont yn y cyfarfod wrth i'r Pwyllgor ystyried yr eitem a phleidleisio].

Cafodd y Panel Gynllun Busnes Swyddfa'r Comisiynydd Heddlu a Throseddau ar gyfer 2025-2026 i'w adolygu.

Atgoffwyd y Panel bod newidiadau wedi'u rhoi ar waith i brosesau cynllunio busnes Swyddfa'r Comisiynydd i adlewyrchu mwy o ffocws ar asesu cynnydd tymor hir, er mwyn sicrhau mwy o aliniad â Chynllun y Comisiynydd Heddlu a Throseddau.

PENDERFYNWYD nodi'r adroddiad.

CADEIRYDD

DYDDIAD

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf